

ابطال حكاياتنا هما صلاح وأمنية

أمنية : طفلة عندها 8 سنين عندها براءة وذكاء

اما صلاح فكان عنده 10 سنين وكان هو وأمنية جيران .. صلاح كان يشبه لمحمد صلاح لاعب كرة القدم البطل المشهور وكان فيه من صفاته كمان .. قلبه كله طاقة وحماس ودايما واثق من نفسه

أمنية وصلاح كان عندهم أمنية ونفسهم تتحقق .. امنية أمنية ههههه كانت أن كل أطفال العام يتمتعوا بصحة يعيشوا في رفاهية وبصحة

أما صلاح فكانت امنيته ان كل أطفال العالم يكونوا سعداء وناجحين

والإثنين كانوا مؤمنين أن أمنيتهم عشان تتحقق لازم يحققوا أهداف التنمية ال17

وعشان نتعرف على ال17 هدف دول تعالوا مع صلاح وأمنية في رحلة من حكاية لحكايا نشوف

ونتعلم ازاي أهداف التنمية ممكن تتحقق

قصة الهدف الأول القضاء على الفقر

لاحظت امنية ان فصل الصيف انتهى وبدأ فصل الخريف وان درجة حرارة الجو بدأت تنخفض يوم

بعد يوم والشتاء قرب خلاص وحمدت ربنا ان عندا ملابس شتوية كتير في الدولاب

وعشان امنية دايما بتفكر في غيرها .. تخيلت ان الشتاء هيكون قاسي على أي طفل معندهوش

هدوم ثقيلة تحميه من البرد وهنا جاتلها فكرة !!

فورا جريت امنية على شقة جيرانهم عشان تعرض فكرتها على جاراها صلاح

قالت امنية لصلاح انها ناوية تتبرع بملابسها الشتوية الي صغرت عليها وانها عايزة تغسلهم

وتكويهم وتعطرهم وكمات تغلفهم تغليف جميل يليق بكونهم هدية للأطفال الأيتام

وفورا وافق صلاح وقالها انه اتحمس جدا للفكرة وان عنده كرة قدم جديدة هياها لآيتام مع

الملابس

لكن امنية سكنت فجأة وبدا عليها الحيرة .. فسألها صلاح .. ايه مالك يا بنتي

قالتله هو احنا ازاي هنقدر نوصل للأطفال دول

رد صلاح وقال دي بسيطة يعني هنبحت في الانترنت عن أسماء الجمعيات الخيرية الرسمية اللي

موجودة في الحي ونسلمهم التبرعات وهما اكيد هيوصلوا التبرعات للمحتاجين

فرحت امنية وقالتله برافوا يا صلاح انا كنت صح لما شاركتك فكرتي

بس مش كفاية برده .. قالها صلاح معاكي حق مهما كان احنا اتنين بس والأطفال المحتاجين في

حينا كتير

قالتله وعنيها بتقول انها وصلت لفكرة ذكية .. هما صحيح كتير لكن مش اكر من طلبة المدرسة

ثاني يوم كانت امنية استأذنت مدرسيها ومسكت الميكرفون في طابور المدرسة وعرضت فكرتها

على زميلها اللي فرحوا جدا بالفكرة وقررا يتبرعوا هما كمان وفعلوا على مدار أيام قليلة كانت

المدرسة بتستقبل كمية كبيرة من الملابس الشتوية الجميلة النظيفة والمعطرة ووبتسلمهم للجمعية

الخيرية الرسمية اللي في الحي

وفي وسط كل ده كانت امنية وصلاح طاييرين من الفرح بنجاح فكرتهم وهنا جاتلهم هما الاتنين

فكرة عبقرية في نفس الوقت وقالوا الاتنين في صوت واحد ليه ماندعوش أطفال مصر والعالم

كلهم انهم يتبرعوا عشان نقضي على الفقر في مصر والعالم كله

ضحك الصديقين من الصدفة دي وفكروا انهم يعملوا صفحة على مواقع التواصل الاجتماعي

ويسموها صلاح وأمنية وأهداف التنمية عشان كل أطفال مصر والعالم يشاركوا في تحقيق اهداف

التنمية

وكانت الأنشطة التي ركز عليها صلاح وأمنية في الصفحة هي أولا التبرع وجمع التبرعات
ثانيا نشر الفكرة بقدر الإمكان بأن كل واحد ينضم على الصفحة يساهم في نشر الصفحة وفكرتها
وسط كل أصدقائه وبكده يحصل انتشار سريع ونجاح اكيد للفكرة
وهنا خلصت حكايتنا ...

وخلوني اقولكم حقائق مهمة عن القضاء على الفقر

1- الفقر هو عدم توفر المال الكافي لشراء الحاجات الأساسية الضرورية للمعيشة زي الأكل

والملابس والسكن والتعليم الأساسي

2- للأسف نصف سكان العالم تقريبا بيعيشوا في فقر

3- القضاء على الفقر بيفيد الأطفال اول حاجة عن طريق توفير مياة نظيفة وخدمات طبية

وأدوية

4- كل فرد من حقه الحصول على تعليم حديث ومتطور عشان يكون جاهز لسوق العمل

5- في حالة ماكانش فيه وظائف كفاية لكل .. الحكومة واجب عليها توفر مسكن مناسب

والإحتياجات الأساسية واهم حاجة تعليم وتدريب جيد لتأهيل الشباب لسوق العمل الحديث

6- الأطفال لازم يكون لهم دور مهم في القضاء على الفقر زي أمنية وصلاح ما عملوا

واتبرعوا للأطفال الأيتام المحتاجين وساهموا في القضاء على الفقر .